

AD QVODLIBETARIAM QVÆSTIO MEDICA,

442

MATVTINIS EXCVTIENDA DISPVATIONIBVS IN SCHOLIS MEDICORVM
dic Iouis xxij. Februarij, Magistro STEPHANO LAFONT Doctore Medico, Moderatore.

An sœdis virginum coloribus acceleranda συζωγία?



HOMINEM *φύσις καὶ ἀνάγκη* ad importunam senectutem & vltimum vitæ finem pede plusquam celeri properantem & impetu raptum reuocat ac rediuium facit viri cum muliere *ἐπὶ γαμία*, quæ duorum parem nacla, sortitave temperiem, aut contrariam vtrinq; *δυσκρασία* de sinu suo numerosam fundit prolem, rariorem, si temperatus cum intemperatâ congregiatur, nullam, si uterque colonus in simili *δυσκρασίᾳ* humore infausto vinculo, Geniôve deuinctus concurrat, & offendatur.



MT autem mulier promptius viro tum adolescit, tum commoritur, ita generationi principium & finem imponit ocyus, siquidem multæ ante decimum quartum, paucæ aut nullæ post quinquagesimum annum *κατὰ δόξαν*: viri verò ante decimum sextum aut octauum rarò, vltra septuagesimum sæpe, maximè si in tali pugna & duello (cum obesa quàm cum gracili iucundiore) iuuenem & sanguineam nanciscantur, in quo amplexu supereminet semper virile semen supra femineum, multò magis supra menstruum, sine quo mulier concipere sæpius non desinit.



MO ex quantitate menstrui (secundæ coctionis benigni ac vtilis excrementi) mulieres euadunt infæcundæ, minùs salaces, cachecticæ, decolores, hydropicæ, quibus phlebotomia præ cæteris opportuna: à paucitate vel defectu non minora exsurgunt incommoda, vt perpetuus vteri tumultus, suffocatio (symptomata maritali potissimum irrigationi cedentia) vomitus, singultus, quem soluunt *παραις*, dysphnæa, cordis *παλμὸς*, cephalæa, epilepsia, &c. *Σπρίς* in iuvene *μὴ ἀνίατος*, paralytis, icterus in morbis acutis ante septimum diem quandoq; criticus, sæpius symptomaticus.



Væ postrema passio viros rarò, mulieres sæpe, virgines frequentissimè inuadit, quas ita defædat ac polluit, vt roscum ipsarum colorem nonnuncquam in viridem & porraceum commutat: ab inflammatione & scirrho ortus aliquando affectus, cuius signa existunt febris ardens & hyppochondriorum *αλγέσθης*, aliàs ab obstructione meatus *χοληδύχου*, vt vrinæ crocæ & deiectiones albæ testantur, sæpissime ab infarctis, aut minùs expeditis venulis cum hepatis, tum totius epigastrii, quam in virginibus ægritudine magna ex parte parit pica, alienorùmve eduliorum crebrior vsus summæ impuritatis, cæcæq; ac occulta febris parens & origo certissima.



AB inflammatione & scirrho icterus manet vt plurimum incurabilis, ab obstructione contumax, solubilis tamen si tempestiuè & *κατὰ χρόνον* remedia adhibeantur, non valida & generosa, sed benigna & *ευκράτητος*; pulueres & decocta diuretica in declinatione non initio exhibita profunt; febris superueniens quandoq; morbum soluit, quæ in puellis decoloribus suspicione & periculo plena existit ob latentem in vicinis vteri partibus *φλεγμὸν δὲ σφίγγον*, quam, cum accendat & magis augeat impatiens *καὶ ἀμετρεῖς σκωρτία*, prius tradendæ sunt medico, quàm marito, qui præscripta victus ratione refrigerante & incidente, repetitâ per intervalla è *παρὰ σφίγγον*, primum è cubito postea è malleolo, interposita per *ἐν τῇ γαστρίᾳ* purgatione ex hiera, rheo, fenna & agarico, assumptis è chalybe præparato tabellis, balneo sæpius vsurpato, longo hydromelitis aquosi potu, largo aquarum naturalium haustu, electuario lætificante Galeni nuptas reddit ad dimicationem alacrior *καὶ ὠνιτωτέρας*.

Ergo sœdis virginum coloribus differenda συζωγία.

Propugnabat Lutetiæ FRANCISCVS LESPICIER Successionus, anno Domini clc. cl. cxii

DOMINI DOCTORES DISPVATVR I,



*M. Quirinus le Vignon.
M. Dionysius Guerin.
M. Iacobus Latus.*

*M. Joannes Riolant P. Reg.
M. Andreas le Gros.
M. Joannes le Mercier.*

*M. Guillelmus Lescailion.
M. Petrus Collier.
M. Robertus le Secq.*

